

地山川王侯戶數道里遠近翔實矣師古曰翔與詳同假借用耳

出陽關自近者始曰婁羌孟康曰婁音兒師古曰音而遮反婁羌國王

號去胡來王師古曰言去離胡戎來附漢也去陽關千八百里宋祁曰越本

八作六去長安六千三百里僻在西南不當孔道師古曰僻讀曰

僻孔道者穿山險而為道猶今言穴徑耳戶四百五十口千七百五十勝兵

者五百人西與且末接師古曰且音子餘反隨畜逐水草不田作

仰鄯善且末穀師古曰賴以自給也仰音牛向反山有鐵自作兵兵有

弓矛服刀劍甲劉德曰服刀拍髀也師古曰拍音貊髀音俾又音陞西北至鄯善

乃當道云

鄯善國本名樓蘭王治扞泥城師古曰扞音一胡反去陽關千六